

أفضل أيام الدنيا | #القرآن_حياتي | د. حازم شومان

حازم شومان

يا سعدي وهناك القرآن حياة السلام عليكم ورحمة الله وبركاته. الحمد لله حمدا كثيرا طيبا مباركا فيه. غير مكفي ولا مكفور ولا مودع ولا مستغن عنه ربنا اللهم اطعمت وسقيت واغنيت واغنيت وهديت واجتبيت فلك الحمد على ما اعطيت. اللهم صل على محمد وعلى - 00:00:00

ال محمد كما صليت على ابراهيم وعلى ال ابراهيم انك حميد مجيد. اللهم بارك على محمد وعلى ال محمد كما باركت على ابراهيم وعلى ال ابراهيم انك حميد مجيد. اما بعد اخواني واخواتي في الله يعني درس الليلة او يعني الوقت اللي احنا بنتكلم فيه ده الاحداث - 00:00:35

ناس في كتير جدا فالواحد ما هوش عارف يعلق على ايه ويسيب ايه وان كان في احداث اهم من احداث ولكن ما ينفعش ما نقفش وقفة مع مقتل القذافي مع - 00:00:55

ذلك الطاغية الجبار اللي قضى اخر ايام من حياته في انبوبة صرف صحي. اخر ايام من حياته لما كان بيقول لشعب في ليبيا وللمسلمين هناك ان هم فتران وجرذان هو اللي مات مودة لا يموت الا الفئران والجرذان. اخر ايام في حياته يقضيها في انبوب صرف - 00:01:05

صحي تذكرك بابو الدرداء يوم فتح قبرص لما كل المسلمين فرحانين وابو الدرداء ياخذ جنب ويبكي فيسألوا المسلمين بتبكي ليه في يوم الله في الاسلام فيقول لهم ما اھون الخلق على الله؟ ان هم اضاعوا امره ما اھون الخلق على الله - 00:01:25 انهم اضاعوا امره ربنا ادى له ملك. كان لو استثمره في نشر دين ربنا وفي طاعة ربنا وفي اقتياد الخلق الى الله سبحانه وتعالى كان التاريخ ولكن سبحان الله العظيم يحارب ربنا ويحارب شرع ربنا والنهاية ان احنا شفناه جثة هامة لو فيه دبانة جت على جسمه - 00:01:45

ما يقدرش ان هو يدفعها عنه. الدود هيقتتل على جسده. تحت التراب ومش هيقدر يدفع عنه. يذكرك بالحديث الصحيح عن الرسول عليه الصلاة والسلام مر رجل ممن كان قبلكم بجمجمة واحد ماشي في صحراء في اي طريق في جبل لقي جمجمة الجمجمة دي كانت جسم كانت بني ادم ولحم - 00:02:05

دم وجمال وعيون ورموش وغضب ورضا وحب وكره. الجمجمة دي كانت بني ادم وكروسي ووجاهة وسلطة واموال ورصيد وعربية. الجمجمة دي كانت بني ادم. مر رجل ممن كان قبلكم بجمجمة فنظر اليها. فضل يبص لها كده فين - 00:02:27 العينين وفيں اللحم الدود اقتتل عليها. لحد ما افنى كل حاجة فيها. وفيں الجسم؟ الجسم كله راح. طب والعضم راح فين؟ اتفتت من بعض وكل عظمة بقت في بلد وبقت في دولة وبقت في مكان غير الثاني الوقتي. طب فيں الوجاهة؟ فيں الجمال؟ فيں الخدود؟ فيں الشفايف والرموش - 00:02:47

والحواجب والشعر كل ده راح كل ده انتهى كل ده ما عدش له وجود وفيں الرضا والغضب والمشاعر وفيں الكرسي وفيں الدنيا وفيں الابهة وفيں العظمة وفيں الفخفة وفيں كل ده؟ كل ده راح. فنظر اليها - 00:03:07

حدث نفسه بشيء وقف يكلم نفسه. الراجل منظر الموت وقفه ليه؟ الحقيقة يا اخوانا يا اخوانا منزر جسة القذافي بتقول للدنيا كلها الحقيقة اهي سواء القذافي او اي انسان هي دي الحقيقة اللي الكل بيهرب منها. اللي لما حد يبجي بيتكلم فيها يقولوا ده تطرف ده بيتكلم في الموت. هو - 00:03:27

لو اب قال لابنه يا ابني زاهر عشان ما تترفدش. يبقى متطرف لانه بيتكلم في الرفد ما هو ابنه هيضيع نفسه. كذلك يا اخواني الحقيقة اللي الكل بيهرب منها رغم ان الكل هيعيشها الغني هيموت والفقير هيموت. الملك هيموت والعبد هيموت. الوزير هيموت والغفير هيموت. الداعية هيموت - [00:03:47](#)

واللي ما نطقش كلمة عن ربنا هيموت. المتبرجة هتموت والعفيفة هتموت. اللي جاهد في سبيل الله هيموت. واللي قعد والجبن هيموت. اللي امواله لوجه الله هيموت واللي بخل هيموت. العلماني اللي قال ربنا وماله ومال السياسة هيموت. واللي دافع عن شرع ربنا بروحه هيموت - [00:04:07](#)

الكل هيموت والكل في لحظة من اللحظات هيطلع من تحت التراب حافي عاري مهما كان القذافي حافي عاري ومبارك حافي قاري وبشار الاسد ربنا يقسم ظهره حافي عاري الكل طالع حافي عاري ملكات جمال العالم طالعين ما حدش بيبص لهم. اغنى المليارديرات في العالم طالعين ما حدش بيبص لهم. يا اخوانا عنت الوجوه للحي - [00:04:27](#)

قيوم الكل عدو وجهته وقبلة عينيه وتوجهه كله تجاه الحساب والوقوف بين ايدين الحي القيوم عادش حد له قيمة اللي قلبه كان طمعان في واحد من الملوك ولا الامراء ولا الاغنياء ولا السلاطين ولا الوجهاء. الصحفيين اللي كانوا بييجروا ورا ولاد الملوك - [00:04:53](#)

وبنات الامراء وولاد المليارديرات وبنات رجال الاعمال الكبار خلاص ما عادش حد بيبص لحد. انتهت يا اخوانا الحقيقة مرة رجل ممن كان قبلكم بجمجمة فنظر اليها. العينين راحت فين واللحم راح فين ؟ كل حاجة ساعة ما نزل الموت شلت اليدين والرجلين - [00:05:13](#)

وعميت العينان وارتجفت الرئتان وساعة ما نزل الموت خلاص راح السمع وراح البصر وراح كل شيء حدث نفسه بشيء فقال يا رب بدأ خلاص بقى يتفاعل ايمانيا مع الحدس الرهيب. الموت وقف وبص المنظر الموت بص - [00:05:33](#)

الجسة زي ما احنا شفنا جسة القذافي كده. عقبال بشار يا رب ان شاء الله. فقال يا رب انت انا انت انت يا رب انت الملك الباقي وانا العبد الفاني. انت العواد بالمغفرة. وانا العواد بالذنوب. وخر ساجدا - [00:05:53](#)

وخلاص ما عادش قادر ان هو يشيل نفسه من كتر المشاعر اللي في قلبه تجاه عظمة وجلال الله وتجاه حقارة نفسه مع كثرة الذنوب وخر ساجدا فقيل له ارفع رأسك. كأن ربنا ارسل ملايكة تكلمه. ارفع رأسك فرفع رأسه - [00:06:13](#)

فقيل له ارفع رأسك فانت العواد بالذنوب وانا العواد بالمغفرة. فرفع رأسه فغفر فغفر له غفر له. ليه انه وقف مع مشهد الموت وقف مع منزر الموت. منظر الموت وقفه منظر الموت غير له حياته. منزر الموت تفاعل معه. انما احنا نشوف الموت - [00:06:33](#)

واحنا زي ما احنا ازاي يا اخواننا مشهد موت القذافي يذكرك بقول الله وكم قسمنا من قرية كانت ظالمة كأن ده دي مش بدع من البشر. لسه ياما هنشوف يا اخوانا بازن الله - [00:06:53](#)

يذكرك بقول الله فلما رأوه عارضا مستقبل اوديتهم. قالوا هذا عارض ممطرا. العزاب جه في شكل سحب بيحسبونها ان هي جاية مطر عليهم خير زي القذافي في انبوبة الصرف الصحي اللي كان مستخبي فيها. الثوار اللي جايين هاجمين عليه بيحسبهم من شوية الكوماندوز المرتزقة - [00:07:06](#)

عشان كده نزره الزهول الرهيبة في عينيه ليه ؟ هو مش مصدق ان حد هيوصل له. مش متوقع ان هو في ايد ربنا. مش متوقع ان ربنا هينتقم منه خليه عبرة قدام الدنيا كلها. عشان كده كان باصص مزهول عارضا مستقبل اوديتهم. قالوا هذا عارض ممطرا. لا يمكن يكون عقوبة ده احنا ناس كويسة - [00:07:26](#)

لا يمكن ربنا يعمل فينا حاجة بل هو ما استعجلتم به ربح فيها عذاب اليم. نسيب منظر الزهول اللي كان في عينين قوم عاد والصحب تمطر عليهم نار ومنظر الزهول اللي كان في عينين القذافي لما فوجئ ان دول مش مرتزقة من اللي تبعه. لما فوجئ ان دول ثوار لبيبين - [00:07:46](#)

ربنا اوصلهم اليه وامكنهم منه ومنتقل لحادث ثاني من الاحداث الخطيرة في الايام اللي فاتت ستيف جوبز القضية اللي شغلت ازهان

ناس كتير جدا على المستوى العلماني ديني والاسلامي وفي الشوارع وعلى القهاوي الناس بتتناقش في النت والفيسبوك والنوادي -

[00:08:06](#)

والقهاوي والمنتديات والجامعات. ستيف جوبز في الجنة ولا في النار. لا اله الا الله. الجنة مفتاحها مش في ايد حد. والنار مفتاحها مش في ايد حد ، ولكن ربنا ادانا دين نحكم به. يا اخوانا الواحد قلبه بيتمزق لما يشوف ضعف العقيدة في الباطل. خدوا بالك -

[00:08:26](#)

احنا لازم يبقى عندنا عقيدة في الحق ان هو الحق وعقيدة في الباطل ان هو الباطل. لو انا مؤمن ان الحق هو الحق بس ما امتنث ان الباطل باطل انا - [00:08:46](#)

ديني ضايع والعياذ بالله لما الرسول عليه الصلاة والسلام السيدة عائشة بتقول له يا رسول الله ابني جدعان. ابني جدعان ده كان شخصية تاريخية في جزيرة العرب. زي سطيف جوبز كده لما شخصية تاريخية في تاريخ امريكا - [00:08:56](#)

كان شخصية تاريخية يا رسول الله ابن جدعان اللي كان بيطلع ويصل ويعطي ويمنح ابن جدعان الراجل الملياردير دوت اللي كان بينفق انفاقات رهيبه وصاحب المؤسسات الخيرية. فقال هو في النار عليه الصلاة والسلام. يعني فيما روي عنه وهو في النار. ليه يا رسول الله - [00:09:09](#)

انه لم يقل يوما رب اغفر لي خطيئتي يوم يبعثون. قضية عقيدة يا اخوانا الواحد بيتعجب لما يشوف حد شاف منزر القذافي صعب علي خلاص بقى كفاية شماته. عدش حد يتكلم بقى عن اللي كان بيحكم مصر بقى. خلاص يا جماعة هم هو ربنا ما زكرش فرعون في القرآن - [00:09:29](#)

خلاص بقى كفاية شماته ما هو مات وخلاص ولا ربنا نكل به في القرآن؟ ولا ربنا ذكر ونكل بالظالمين وبمصارع الظالمين في القرآن ده اية وعبرة ازاي ان احنا نكتم على الايات؟ ازاي ان احنا ندفن الايات يا اخوانا؟ ازاي؟ يا اخوانا لما الراجل بيقول للنبي عليه الصلاة - [00:09:49](#)

الصحابي يا رسول الله عمك كان بيناصرك يا رسول الله وكان قعد ثلاث سنين ياكل ورق شجر في شعب ابي طالب من غير اسلام بس منازرة يعني المناصرة يعني ايه؟ يعني يعني من باب الرجولة بقى والقراة - [00:10:09](#)

الرسول عليه الصلاة والسلام قال ايه؟ قال على عمه ايه؟ على عم النبي اللي اعظم من اي حد بقى في الخدمات اللي قدمها. قال ايه؟ قال هو في دحضاح من النار يغلي منه - [00:10:25](#)

ودماغه يعني ايه دي قضية لا اله الا الله. قضية حق وباطل. لما النبي عليه الصلاة والسلام وقف على جثث المشركين في غزوة بدر. وقال ايه؟ وقف كلمها قدام الصحابة. انا وجدنا ما وعدنا ربنا حقا. فهل وجدتم ما وعد ربكم حقا؟ قضية قوة العقيدة في - [00:10:35](#)
اطل ان ده باطل. ان دول جبارين. ان دول متكبرين. قضية مبارك والمحاكمة بتاعته عشان الفلوس. والحقوا جمال وعلاء معاهم ربعميت مليون دولار في سويسرا والحقوا الحقوا ايه يا اخوانا. يا اخوانا احنا بنتكلم في شوية دنيا زائلة يا اخوانا الثلاثين سنة الثلاثين سنة - [00:10:55](#)

انا شرع ربنا اللي عطل. شرع ربنا اللي حورب. اولياء الله اللي حوربوا دين ربنا اللي كان بيمنع وبيحارب. هي دي القضية الخطيرة القضية ضعف الاعتقاد والعياذ بالله. اللي بقى عند كتير من الناس في الباطل - [00:11:15](#)

قضية ستيف جوبز قضية فضيحة للمستوى اللي وصل لعقائد كتير من المسلمين اللي هم بيتكلموا على واحد بوذي كان افتخر بمبوزيته وبيعلن بوذيته من هو شاب سافر الهند ورجع حلق راسه ولابس لبس البوذيين وهو بيعلم العقيدة بتاعته لحد قبل ما يموت - [00:11:32](#)

بعده ايام على تويتر وهو بيتكلم على ان هو بوذي والعياذ بالله. يعني انسان شوفوا عقيدته في ربنا شكلها ايه. عقيدته في الدنيا وفي الآخرة شكلها ايه وفي النهاية نقول اصل هي ايه اصل هو عمل حاجة كويسة اللي هي الايباد والايفون هي ديت الحاجات اللي بتدخل الجنة ما عادش اللي بيدخل الجنة لا - [00:11:52](#)

الا الله ما عايش اللي بيدخل الجنة قوة الاعتقاد واليقين في عظمة وجلال الله للأسف الشديد دي قضية مؤلمة وبتدل على يعني مدى ما وصل اليه المسلمين من القضايا الثانية الخطيرة قضية النصارى والتعليقات بتاعة النصارى. النصارى يا اخوانا عملوا في نفسهم عاملة - [00:12:12](#)

عملها في نفسه في بلد من البلاد. لو قارنا درجة التمثيل النيابي والوزاري للنصارى ايام الثلاثينات والاربعينات والايام دي النصارى خلاص مين اللي عاد بيتفاعل معهم ولا بينفعل مع قضاياهم من كتر والعياذ بالله النظرة السوداء اللي عادوا يببصوا فيها عزلوا نفسهم عن الناس - [00:12:32](#)

كرهوا الدنيا فيهم حتى الغرب نفسه. حتى الغرب يعني هم بيعملوا ايه؟ هم الخسرانين خسارات فادحة. عايزينا نتخلى عن كلمة كفار لن تخلى عن عقودتنا ابدأ ولو زافت ارواحنا في سبيل عقيدتنا. قال تعالى دي رسائل بقى لكل واحد بيدين بان الله ثالث ثلاثة. قال تعالى - [00:12:52](#)

قال لقد كفر الذين قالوا ان الله هو المسيح ابن مريم. لقد كفر قضية منتهية. لقد كفر الذين قالوا ان الله هو المسيح ابن مريم وقال المسيح ابن مريم يا بني اسرائيل اعبدوا الله ربي وربكم. احنا ماشيين اساسا في صورة مريم لولا الاحداس اللي بتحصل - [00:13:12](#)

والانقطاعات اللي بتحصل اول كلمة سيدنا عيسى قالها في سورة مريم اول ما تكلم في المهد قال اني عبد الله انا عبد اول كلمة اني عبد انا عبد اوعى حد يرفعني فوق مقامي. لقد كفر الذين قالوا ان الله هو المسيح ابن مريم - [00:13:32](#)

وقال المسيح ابن مريم يا بني اسرائيل اعبدوا الله ربي وربكم انه من يشرك بالله. المسيح بيكلم النصارى. فقد حرم الله عليه جنة ومأواه النار مهما بقى واحد قال لك الاياد بتدخل الجنة والايافون بتنجي من النار كلام كلام اللي ما لوش اي وزن ولا اي قيمة في العقل - [00:13:51](#)

وده ولا انه من يشرك بالله فقد حرم الله عليه الجنة ومأواه النار وما للظالمين من انصار. بس كده في رسالة ثانية من كلام ربنا مش كلامنا لقد كفر الذين قالوا ان الله ثالث ثلاثة. لقد كفر الذين قالوا ان الله ثالث ثلاثة - [00:14:11](#)

القضية ليست قضية بسيطة وان ينتهوا عما يقولون ليمسح الذين ظلموا عذاب اليم. القضية ما فيش فيها تهاون يا اهل الكتاب لا تغلوا في دينكم رسالة تالته ولا تقولوا على الله الا الحق. انما المسيح عيسى ابن مريم رسول الله وكلمته القاها - [00:14:31](#)

الى مريم وروح منه امنوا بالله ورسله ولا تقولوا ثلاثة ولا تقولوا ثلاثة انتهوا خيرا لكم. ده كلام مين؟ ده مش آ حد من فعل وبيتكلم ده كلام المالك من فوق سبع سموات - [00:14:51](#)

يشهدون على انه نزل من عند الملك سبحانه وتعالى. ولا تقولوا ثلاثة انتهوا خيرا لكم. انما الله واحد سبحانه الله العظيم الاحداس كثير والقضايا كثير ولكن يعني نسيب هذه الاحداس الساخنة وهذه القضايا الساخنة ونقف بقى مع الواحة العظيمة اوي اوي اوي الواحة العظيمة - [00:15:07](#)

الي المفروض يعني كلها مسلا اسبوع ونبدأ في التكبير بقى ونقول الله اكبر الله اكبر ولكن ربنا اراد انه يفرح امة محمد وبدأ التكبير قبل العشر بعشر. وسمعنا مساجد ليبييا كلها وهي في الميكروفونات بتقول الله اكبر. الله اكبر الله اكبر لا اله الا الله - [00:15:30](#)

الله اكبر الله اكبر ولله الحمد. عقبال يا رب كده ما نكبر وبشر جسة هامة. عقبال يا رب ما نكبر والنصيريين في سوريا مقسوم ظهرهم عقبال يا رب كده ما نكبر وسوريا راجعة لارض للتوحيد مرة ثانية والشيعية يخسروا اغلى حطة عندهم. اليهود - [00:15:50](#)

بيصلوا عشان بشار يفضل في الكرسي بتاعه. والشيعية بيتعاونوا بكل امكانياتهم عشان بشار يفضل. ولكن الملك سبحانه وتعالى والله غالب على امره ان اكثر الناس لا يعلمون احنا الوقتي يا اخوانا بنستشرف ومستنيين حدس اعظم حدس في حياتنا كلها افضل ايام الدنيا - [00:16:10](#)

افضل ايام الدنيا ده العنوان بتاع الحلقة بتاعتنا ده كلام النبي عليه الصلاة والسلام. مش كلمة حد مننا كما صح عن رسول الله صلى الله عليه وسلم. افضل ايام دنيا ايام العشر. افضل ايام الدنيا يا رسول الله. افضل ايام الدنيا كلها. يا رسول الله طب ده في العشر

الواخر من رمضان. قول جمهور العلماء - 00:16:30

ان العشر الاوائل من ذي الحجة افضل من العشر الاواخر من رمضان ليلا ونهارا. ليلا ونهارا. دليل العشر الاواخر من رمضان فيها ليلة
القدر اللي خير من الف جمهور العلماء - 00:16:50

على ان العشر الاوائل من ذي الحجة افضل عند الله من العشر الاواخر من رمضان ليلا ونهارا. افضل ايام الدنيا ايام العشر. افضل من
عاشوراء اللي بيكفر صيام سنة افضل. افضل يا رسول الله من رمضان اللي تفتح فيه ابواب الجنة. فلا يغلق منها باب وتغلق ابواب
النار فلا يفتح منها باب - 00:17:02

ولله في كل ليلة عتقاء من النار. افضل عند ربنا سبحانه وتعالى. يا رسول الله ده رمضان في مضاعفة حسنات. مضاعفة الحسنات
مات في عشر الاوائل من ذي الحجة اشد ازاى؟ انا مش هاقول لكم يا اخوانا اثار ابن عباس لما روي عنه انه قال بتضاعف سبعميت
مرة الحسنة والامام الاوزاعي - 00:17:22

قال اليوم كغزوة في سبيل الله. وبعض السلف لما قالوا ان ان يعني يعني اظن مجاهد يعني رحمه الله ان دعاء مستجاب طيلة العشر
ايام. انا هقول لكم حديث صحيح عن النبي عليه الصلاة والسلام. ونشوف المضاعفة شكلها ايه. لما النبي يقول ان الصيام يوم -
00:17:42

يكفر ذنوب سنتين. انا عايزك تفكر معي ان ده يوم واحد بس. ده مش العشر تيام ومش افضل العشر تيام. اللي افضل من عرفة اول
يوم العيد اللي هو عاشر هذه الايام. اللي هو يوم النحر اللي هو افضل ايام الدنيا على الاطلاق. ما هم العشر تيام دول هيبدأوا امتى -
00:18:02

يوم الجمعة الجاية ركزوا معي يا اخوانا عشان ننبه الدنيا كلها باذن الله. هيبدأوا الجمعة الجاية. يعني هيبدأوا من فجر الجمعة؟ لا. ما
هو واول ليلة هتبدأ من اول مغرب الخميس. اول ما المغرب يوم الخميس يدن يبقى احنا كده بدأنا اول ليلة في العشر الاوائل من ذي
الحجة. والجمعة - 00:18:22

بازن الله يبدأ منها بقى ايه الصيام باذن الله والذكر والقرآن والتلاوة والاجتهاد في هذه الايام. طب يخلصوا امتى؟ فيه ناس كثير مش
عارفة ان اول يوم العيد ضمن العشر الاوائل من ذي الحجة. اول يوم العيد ده اعظم هذه الايام العشر. يعني تخلص بمغرب شمس اول
يوم العيد. لما المغرب يدن اول يوم - 00:18:42

العيد يبقى كده ايه؟ يبقى كده العشر تيام خلصوا ركزوا معي يا اخوانا في افضل ايام الدنيا لو واحد مننا عنده امتحان دكتوراة بعد
اسبوع امتحان دكتوراة. بعد اسبوع مش هينام ليل ولا نهار. اومال بقى اللي اعظم من اي دكتوراه واللي اعظم من اي شهادة. واللي -
00:19:02

اعظم من الدنيا واللي فيها يا جماعة. يا اخوانا ده النبي عليه الصلاة والسلام بيقول ركعتا الفجر اللي هي سنة الفجر. السنة اللي
بنصليها قبل الفجر مش الفجر نفسه ركعتا الفجر خير من الدنيا وما فيها. الاراضي والعقارات والعمارات وكل المستندات اللي في
الشهر - 00:19:19

اللي في العالم كله ركعات الفجر خير من الدنيا وما فيها. يعني يا رسول الله يعني تخيل كده ان اللي يفوته ركعتين الفجر دول لو
الدنيا قلت الدنيا روح عليه يبقى اهون على قلبه. واللي عايز يبقى ملك من الملوك شوفوا بيتعب قد ايه. احنا نتعب عشان ركعتين
الفجر اكثر منه. يعني يا اخوانا لو جا لك الوقت - 00:19:39

في صفقة بمليار جنيه وهيعطلك خمس دقائق بس عن سنة الفجر سنة الفجر اهم. الدين غالي يا جماعة. العبادة ما لهاش تمن يا
اخوانا. الطاعة ما لهاش تمن يا جماعة الدين غالي. ولازم الدين يرجع غالي في قلوب المسلمين ثاني. يا اخوانا في الاثر من اثار بني
اسرائيل ان داود عليه السلام سأل الله - 00:19:59

اه ان يريه الميزان. يا رب انا اريد ان انا اشوف الميزان. طب تريده ليه؟ عشان يا رب اعبدك عين اليقين يا رب. عشان يا رب المطلوب
مني قد ايه اشوف الميزان اللي هيتوزن في عملي. يعني هو قد ميزان الفاكهة مسلا والخضار ولا قد ايه عشان اعرف يا رب المطلوب

مني قد ايه - 00:20:19

فلما رأى الميزان خر مصعوقاً مخشياً عليه ما قدرش يتخيل ان ده حجم الميزان وحجم كفة الحسنات. فلما افاق قال يا رب من يملأ هذا يا رب؟ مين اللي يقدر يشتغل شغل يملأ ده؟ فقال الله يا داوود اني ان رضيت على عبدتي ملأته ولو بتمرة ده - 00:20:39

من اسار بني اسرائيل انت بتكلمنا دلوقتي باثار بني اسرائيل التي لا تصدق ولا تكذب انا هجيب لك حديث صحيح عن النبي عليه الصلاة والسلام. حديث صحيح السلسلة الصحيحة عن النبي عليه الصلاة والسلام - 00:20:59

يوضع الميزان يوم القيامة. اسمعوا يا اخواني. اسمعوا يا جماعة يوضع الميزان يوم القيامة. فلو وزن فيه السماوات والارض لوسعت. ياه! لو اتحطت فيه السماوات والارض كفة الحسنات اكبر كمان! ايه يا رب! طب يا رب! فتقول الملائكة يا رب - 00:21:13

من يملأ هذا الكلمة اللي قالها سيدنا داود. يا رب ومن يملأ هذا؟ مين يا رب اللي يقدر يشتغل شغل اعمال صالحة يملأ الكفة دي؟ فيقول الله لمن شئت من خلقي لمن شئت من خلقي فحينئذ تقول الملائكة سبحانك ما عبدناك حق عبادتك. الملائكة اللي عملت الالف -

00:21:33

سنين تسبح وتسجد وتركع وتعبد ربنا متواصل ليل نهار بتقول يا رب يبقى احنا عبادتنا ديت ما هياش حق العبادة. ليه؟ لان الميزان مش على قد جهدك الميزان على قد حق الله عليك وحق الله عليك القضية كبيرة يا اخوانا - 00:21:53

اهم الاخرة لما غاب من قلوب المسلمين احوالنا تدهورت يا جماعة. لما هم الاخرة راح من قلوبنا ووصلنا لفين ونزلنا قد ايه. لو مريض راح لدكتور الدكتور بيكشف عليه في بداية الكشف اكتشف ان عنده اعراض برد. بيكمل الكشف اكتشف ان هو عنده قرحة في المعدة.

بيكمل الكشف اكتشف ان عنده سرطان. هينبه - 00:22:08

المريض من ايه وهيرعب المريض وهيحذر المريض من ايه؟ من السرطان لانه اخطر حاجة في هذه الامراض. احنا اخطر مرض عندنا الوقتي ايه لازم ننتبه له؟ ضعف اهم الدار الاخرة. ان الدنيا شغلتننا. الدنيا كلت عنيينا وقلوبنا يا اخوانا. ربنا قال لا تمدن عينيك. احنا

مدينة قلوبنا. مدينة اكبادنا على - 00:22:30

الدنيا وتلفنا عليها رغم ان هي فانية. وان كل ذلك لما متاع الحياة الدنيا. لما ولا يحصل انه يبقى حتى متاع. ذلك متاع الحياة الدنيا ذلك للبعيد. حاجة بعيدة ما بتزودش الانسان غير بعد عن ربنا سبحانه وتعالى. وكل ما الانسان يقرب منها كل ما يبعد عن ربنا سبحانه

وتعالى - 00:22:50

ايه الدنيا ديت؟ ايه الدنيا اللي ملت قلوبنا يا اخوانا مهما كان عندك مليارات هتسكن في كم شقة؟ هي الشقة هي الشقة مهما حطيت قدامك مليون بدون وجبة تاكل كم وجبة؟ هي وجبة. لو بصيت لكل نساء الدنيا هتتجوز كم واحدة؟ هي واحدة. يعني ايه؟ يعني كل

اللي احنا مشغولين به عن الدار الاخرة - 00:23:10

ده وهم يا اخوانا. وهم اعمارنا بالضياع عشان وهم. اعمارنا بالضياع عشان حاجة ما لهاش اي قيمة. يا اخواني في الله ربنا سبحانه وتعالى جعل جسد انسان له احتياجات. له احتياجات يومية زي النوم تنام ولو مرة في اليوم. واحتياجات كل كذا ساعة. الاكل

والشرب. واحتياجات كل سانية النفس - 00:23:30

كذلك الروح الروح يا جماعة اللي الجسم من غيرها ما لوش اي قيمة. الروح لها احتياجات يومية انك تقرا القرآن ولو مرة ولها احتياجات كل ساعة انك تصلي وتليبي النداء. ربنا ولها احتياجات كل ثانية انك تذكر الله. فربنا ادانا العشر تيام دول عشان روحنا

تتنفس فيهم - 00:23:50

انت من غير الروح ديت قيمتك ايه؟ الجسم ده بيتكون من ايه؟ علبة طباشير علبة طباشير اه ده انا بقول لك مكوناتك. طباشير باللي الاستاذ بيكتب بها وعلبة كبريت من اللي بيتولع به الاكل على البوتاجاز. ما تساويش عشرة ساغ. وكيس ملح صغنن خالص. ما

يساويش ربع جنيه - 00:24:10

مسمار حديد صغنن. ده ده مكونات جسمك. يعني انت مكونات جسمك كلها. ما تجيش تمن الساعة اللي انت لابسها في ايديك. لو الروح اتشالت. لو الصلة اللي بينك وبين ربنا اتشالت. لو الايمان اللي في قلبك اتشال يا اخوانا احنا قيمتنا كلنا في الدين - 00:24:30

كنت بقول لكم ان الصيام يوم عرفة يكفر ذنوب سنتين. عايز اقول لكم المضاعفة في الايام دي قد ايه. عشان نبدأ نشناق بقى.
المضاعفة قد ايه يوم عرفة مش اعظم الايام. ما هوش اعظمها. وان كان من اعظمها الا انه مش اعظمها. ومش كل العمل الصالح فيه.
ده النبي عليه الصلاة والسلام قال لك صيام بس. صيام بس - [00:24:48](#)

عمل صالح واحد. امال لو عملنا باقي الاعمال بقى عمل واحد في يوم واحد يكفر ذنوب سنتين. صيام اتناشر ساعة يكفر ذنوب اربعة وعشرين شهر يعني الساعة تكفر ذنوب شهرين. يعني الستين دقيقة يكفروا الذنوب ستين يوم. يعني الدقيقة تكفر ذنوب يوم فيه ستة وتمانين الف وربعمية - [00:25:08](#)

في الدقيقة يعني لو قلنا ان الاعمال بتضاعف بهذه الدرجة ده عمل واحد شفه ضعف قد ايه ؟ ستة وتمانين الف وربعمية ضعف. يعني اخوانا القضية في المضاعفة في هذه الايام قضية في غاية الخطورة. واللي تفوته هذه الايام فاتوا موسم من اعظم المواسم. لأ اعظم المواسم - [00:25:28](#)

الكيس اللي احنا لسة بنتكلم عنه افضل ايام الدنيا ايام العشر. يعني الفرق ما بين عشر ذي الحجة وباقي الايام زي الفرق ما بين مكة والمدينة وما بين سان فرانسيسكو وباريس كده مثلا. الفرق ما بين مكة والمدينة وما بين مكة والمدينة مثلا. الفرق ما بين مكة والمدينة وما بين مكة والمدينة - [00:25:48](#)

يعني اخوانا دي قضية في غاية الخطورة ان الايام دي احب الايام الى الله يعني مسابقة في حب ربنا. مين اللي بيحب ربنا زيبي ذلك العبد اللي لما سمع حديس سبحان الله وبحمده سبحان الله العظيم. كلمتان خفيفتان على اللسان ثقيلتان في الميزان. حبيبتان الى - [00:26:08](#)

الرحمن قال بتحبهم يا رب! ده انا مش هابطلهم يا رب. بتحبهم يا رب! وهو بيحب ربنا. وعايز يعمل كل اللي ربنا بيحبه. لانه بيحب ربنا يا اخوانا. هو ده الحب الصادق لما نسمع هذا الحديث. طيب افضل ايام الدنيا ده يفكرنا بافضل ايام الآخرة. ايه افضل ايام الآخرة؟ افضل ايام الآخرة وانت قاعدة في الخيمة بتاعتك كده في الجنة - [00:26:28](#)

خيمة من لؤلؤة واحدة ستين ميل في ستين ميل. يعني تسعين كيلو في تسعين كيلو وانت قاعدة في الخيمة. اللؤلؤة بتاعتك اللي كل صلاتها والهد بتاعها وكل اوضها منحوتة جوة لؤلؤة واحدة. وتلاقي الملايكة جاية ليه؟ ان الله يستزيركم يا اهل الجنة. الله هنروح - [00:26:48](#)

ربنا يستزنا نروح نلاقي كئبان مسك. ونلاقي عروش من ذهب موزون. ونلاقي منابر من نور ونلاقي الانبياء والصديقين والشهداء والصالحين. ويكشف حجاب وننظر الى وجه الله سبحانه وتعالى. اهل الجنة لما بينظروا لوجه الله بينسوا كل نعيم الجنة. نعيم الجنة كله بيتنسى لما بينظروا - [00:27:08](#)

لوجه الله سبحانه وتعالى انما نطعمكم لوجه الله. يعني رجاء ان احنا ننظر لوجه الله في الآخرة. ده ده حلم حياة المؤمنين يا اخوانا. حلم حياة المؤمن لما تقول له اعوذ بوجهك وتفتكر جلال وجه الله. لما الصحابي قال اللهم لك الحمد كما ينبغي لجلال وجهك - [00:27:28](#)

وعظيم سلطانه. الواحد لما يتدبر في الكون والفلك ومليارات السنين الضوئية ومليارات المجرات. الواحد لسه في جلسة الضحى اللي فاتت قعدت ابص على شوية صور في الفلك والمجرات. الواحد كان قلبه هيتخلع. يا رب ايه القدرة دي يا رب! ايه العظمة دي يا رب! ايه الجلال ده يا رب! الصحابي قبل ما - [00:27:48](#)

بيقول عظيم سلطانه اللي هو المجرات والكون والسموات قال لجلال وجهك يعني جلال وجه الله اعظم من جلال ملك الله يا اخوانا تخيلوا بقى لما ننظر لوجه الله سبحانه وتعالى. ننسى كل نعيم الجنة. طيب لما ده اعظم ايام الآخرة. طب عايزين - [00:28:08](#)

يفوز يا رب باعظم ايام الآخرة اجتهدوا في اعظم ايام الدنيا. فمن اجتهد في افضل ايام الدنيا ها فاز بافضل ايام الآخرة. هو جزاء من جنس العمل من صرع في مراد الله صارع الله في مراده. من اقبل على الله بقلبه اقبل الله عليه بقلوب المؤمنين جميعا من جعل همه هو الله - [00:28:28](#)

كفاه الله هم كل شيء. يعني هي قوانين في معاملة ربنا من اختار الله اختاره الله. من اثر الله على كل شيء اثره الله على كل شيء يبقى القضية قضية اللي في قلبك تجاه ربنا سبحانه وتعالى اللي هيجتهد في افضل ايام الدنيا هيفوز باذن الله - [00:28:48](#)

ده افضل ايام الاخرة. يعني في الحقيقة يا اخواني يعني قضية عشر ذي الحجة قضية افضل ايام الدنيا عند الله سبحانه وتعالى قضية كبيرة وخطيرة وعظيمة قيمة ومهولة ومريعة. ولو جينا كل الالفاظ والمترادفات بتاعة قواميس اللغة كلها مش هتعبّر عن قيمة الدين وقيمة العمل الصالح - [00:29:07](#)

بالزات في هذه الايام اللي ربنا اقسم بها في القرآن. ربنا اقسم بالايام دي في القرآن قال تعالى والفجر ليلال عشر. ده دي ايه؟ ده دي عشر ذي الحجة. ربنا اقسم بها والعظيم لا يقسم الا بعظيم. وربنا قال لا - [00:29:27](#)

العشر بالتنكير والتنكير يفيد التعظيم. مش والليالي العشر. ليلال عشر يعني وما ادراكم ما هذه الليالي. ربنا قال قبلها الفجر. الفجر كده او اكثر وقت مشهود من الملائكة في اليوم والليالي العشر اكثر وقت مشهود من الملائكة في السنة والشفع والوتر اللي هي الصلاة والليل - [00:29:47](#)

ده يسري اللي هو الليل بقى قبل ما الفجر يبدى الواد التلت الاخير من الليل بقى وتنزل الملك؟ هل في ذلك قسم لذي حجر؟ واحد فيه واحد عنده ابو علي ما يعرفش قيمة المواسم دي. فيه واحد عنده عقل يضيع المواسم الفاضلة دي. فيه واحد عنده عقل يضيع المواسم المهولة دي. ربنا بيقول في ذلك - [00:30:07](#)

قسم لزي فيه واحد عنده عقل يضيع ده. طب يا رب اللي استهتر بده. طب يا رب اللي استهترت بده اقرار اخر السورة عشان تعرف. قال تعالى - [00:30:27](#)

اذا دكت الارض دكا دكا. يعني زي ما يقول لك كده يعني مسلا يعني هتلر دكا باريس دكا. او يقول لك مسلا الملك الفلاني دكا البلد الفلانية. طب ربنا المالك بقى بقدرته ولله المثل الاعلى اما يدك الارض ده كان دكان ليه يا رب؟ عشان المعاصي اللي انتهكت عليها. عشان الظلم اللي - [00:30:37](#)

عليها للنهار. في النهاية الارض بتدك وجاء ربك. والملك صفى. جاء ربك يعني الحساب خلاص جه. ويعني يعني جاء ربك ليحاسب الناس. والملك صفى الملائكة صفوف. صفوف ده منزر جيش هتتحارب مين اللي حارب ربنا بالمعاصي في الدنيا. وجيئ يومئذ بجهنم لها سبعين الف - [00:30:59](#)

زمام كل زمام ماسكه سبعين الف ملك اضرب سبعين الف سبعين الف باربعة مليار وتسعميت مليون خمسة مليار ملك يعني على قد عدد سكان الكرة الارضية الوقتي بس شداد عظماء بقى. تخيل دول ماسكين جهنم من كتر غلها وغلها. على من عصى الله وانتهك حرمان الله. البني ادم ساعته بقى - [00:31:19](#)

يقول ايه؟ لما يشوف المشهد ده كله يقول يا ليتني قدمت لحياتي. اومال اللي فات ده ايه ده طلع وهم خلاص ان لبستم الا عشرة مش هم بيقولوا كده اول ما يقوموا من تحت التراب ان لبثتم الا عشرة. انا باقول لكم الوقتي قدامكم عشرة اهو. عشر - [00:31:39](#)

اللي بيطلع من تحت التراب بيقول ده الدنيا دي كلها كانت عشر تيام. ضاعم في المعاصي فراخوا جهنم والعياذ بالله. انا باقول لكم قدامكم عشر تيام يروحوا في ننجو بهم باذن الله. يقول يا ليتني قدمت لحياتي ندمانين على مواسم الطاعة اللي راحت. ندمانين على عمرهم. ندمانين على كل عشر ذي الحجة راحت - [00:31:59](#)

اخوانا يا اخوانا احنا عاملين الوقتي بالظبط زي الطالب اللي لسه ربع ساعة علشان الورقة في الامتحان والمراقب ندى في الميكروفون يا جماعة لسه ربع ساعة. ده الفرصة الاخيرة يا جماعة. عشر ذي الحجة دي اخر فرصة في السنة الهجرية كلها. السنة الهجرية خلاص بتخلص ويبدأ بعد كده سنة جديدة. يا جماعة - [00:32:19](#)

دي قضية ان كان كم واحد من احبابنا واصدقائنا واخوانا معنا في عشر ذي الحجة اللي فاتوا بيعبدوا ربنا معنا فيها وما هماش موجودين دي دلوقت. يعني ممكن دي تبقى اخر عشر ذي الحجة في حياة حد مننا. يا جماعة لازم نجتهد. لازم نتخلص من الذنوب والمعاصي اللي عندنا. زي بالظبط كده - [00:32:39](#)

يعني ناس ماشية بعربيات في طريق من الطرق الجميلة السلسلة السهلة. وقام جاي واحد بعربية نقل عكس الاتجاه وواقف في وشهم كده. الكل اتخفق هو بالزبط كده يا اخوانا العاصي. العاصي يا جماعة ده الكون كله بيعبد ربنا. الكون كله يبسبح ربنا - [00:32:59](#)

الواحد لما يبص كده في شكل المجرات يفكر قول الله سبحانه وتعالى كل يجري. الكل بيجري مشتاق الى الله عشان يسجد تحت عرش الله. الواحد لما يبص في منزر الصدم والدخان الكوني في كتب الفلك وبراجع الفلك يفكر قول الله وهي دخان قالتا اتينا طائعين وهي لسة دخان كده - [00:33:18](#)

الواحد لما ببص لمنظر الشمس يفكر والشمس تجري لمستقر لها. لما النبي قال انها بتجري عشان تروح تسجد تحت عرش الله. سبحانه وتعالى في الحديس يعني قال تذهب لتسجد وبعد كده قال والشمس تجري لمستقر لها. يا اخوانا الواحد لما ببص لكل حاجة في الكون بيفكر ان كل دول عبيد ببسبحوا. لما ببص - [00:33:38](#)

المليارات المليارات من المجرات. انا مش باقول مليارات المجرات. انا باقول مليارات. المليارات من المجرات. كنت باتفرج على يعني فيلم كده دقايق عاملينه يعني موقع من مواقع النت اسمهم احلى حياة. يعني ربنا يبارك فيهم. فيلم اسمه اين انت؟ والله يا اخوانا الواحد قلبه اتزلزل - [00:33:58](#)

قلبه اتزلزل جايين الاول منزر اطفال يلعبوا على الارض كده ويبجروا. وبعد كده الطيارة بتطلع ويجيبها من منزر بقى كيلو متر ارتفاع خلاص ما عادوش باينين كده يطلع اكر لحد الف كيلو متر خلاص الكرة الارضية كلها الغلاف الجو خلاص. بعد كده يطلع ثلاثة وتسعين مليون ملي الشمس نفسها بعدها خلاص جه. بعد كده - [00:34:18](#)

اه لحد ما المجموعة الشمسية تختفي ويفضل يطلع لحد ما مجرة التبانة. منزر مجرة التبانة الحلزونية ديت وهي قاعدة تبعد تبعد تبعد لحد ما بقى نقطة منزر يخلع القلب خلع اختفت مجرة التمانة كلها بعد كده قعدوا يطلعوا المجرات تيجي وتروح وتيجي وتروح لحد ما يوصلوا لميت - [00:34:38](#)

مليار سنة ضوئية كاتبين وهنا توقف العلم الحديس. بعد كده في ايه؟ ما حدش يعرف بعد كده في ايه؟ هنا وقف العلم الحديس خلاص. الواحد قلبه خلع كل - [00:34:58](#)

كل ده يا رب عبيد ببسبحوك. لما تبص المنزر مليارات النجوم في المجرات. يا رب كل دول عبيد بيقولوا اتينا طائعين. يا رب كل ده العبيد ببسبحوك يا رب وبعد كده ترجع تاني تفكر اللي بيعصي على الارض اقول سبحانك يا رب. ده اللي بيعصي وسط العبادة دي كلها عامل عارفين زي ايه. مع بشاعة - [00:35:08](#)

تشبيه بس بالزبط عامل زي ايه زي ليلة سبعة وعشرين ميت الف واحد بيعيطوا في مسجد من المساجد وقاعدين يبكوا ورا الامام وواحد وسط الجامع ده بيقع في الزنا في وسط المسجد. ازاى منظر مهول! اهو ده العاصي والسبي الكون العابد دهو كله. وسط الكون المقبل على ربه سبحانه وتعالى - [00:35:28](#)

دهوت كله يا اخوانا الايام المقبلة ديت ايام عظيمة وايام محتاجينها اوي والله يا اخوانا يعني يعني يمكن الواحد يفكر كلمة لاحد اخواني يعني يمكن بقى داعية بيتكلم بقى عن زمان بقى. زمان يعني لما كان لسة بقى ملتزم وكده. في الاول بيقول انا خرجت من رمضان كنت هانتكس. جه عشر ذي الحجة سندوني. تلاقي عشر ذي الحجة - [00:35:48](#)

كملوا بقى المسيرة بفضل الله على قلبك ده فرصة مهولة. في ايام السياسة. سياسة! سياسة ايه بقى! قبل ما نقول سياسة نقول الحديس ده. عشان نعرف ان الايام دي لها ايام سياسة ولا هي ايام اي حاجة غير عبادة. بس ايه يا عم الكلام ده؟ قال رسول الله صلى الله عليه وسلم - [00:36:11](#)

ما من ايام. خدوا بالكم ان كل احاديث عشر ذي الحجة ما من اسلوب حاسم قاطع. النبي عليه الصلاة والسلام بيقول لك دي ما لهاش زي ما لهاش زي ما حدش يتخيل ان لها زي. ما من ايام العمل الصالح الحديس اللي هيقلوه ده ده اشهر حديس صحيح في عشر ذي الحجة. ما من - [00:36:31](#)

ايام العمل الصالح احب الى الله فيها من هذه الايام. الرسول عليه الصلاة والسلام بيقول للصحابة ما فيش ايام في الدنيا ربنا بيحب

العبادة فيها والعمل الصالح زي هذه الايام. فالصحابه زولوا يا رسول الله العمل الصالح. يعني الصلاة والصوم. قالوا له يا رسول الله ولا
00:36:52 **الجهاد** -

في سبيل الله. طب يا رسول الله طب نخرج نجاهد. قال لهم ولا الجهاد في سبيل الله. في رواية تانية انهم سألوا ثاني ولا الجهاد في
سبيل الله ولا الجهاد. ولا الجهاد في سبيل الله - 00:37:12

ولا الجهاد في سبيل الله ثلاث مرات. الصحابة مذهولين يا رسول الله ازاى؟ ده ده جهاد يا رسول الله. ما هو لان المطلوب منكم في
العبادة في الايام دي جهاد - 00:37:22

مطلوب منكم في الايام دي جهاد جهاد يا اخواننا. جهاد بكل معنى كلمة الجهاد. الم تسمعوا الى قول رسول الله صلى الله عليه وسلم
بادروا بالاعمال الصالحة فتنا. بادروا الحقوا يا جماعة. يا اخوانا الفتن كل يوم اسوأ من اليوم اللي قبله. الفتن كل يوم النبي يقول لك
- 00:37:32

الحق اتحصن ضد الفتن. الفتن جاية جاية. الحق بادر بالعمل الصالح. اما الفتنة تيجي تيجي تلاقيك مستعد. بادروا بالاعمال الصالحة
فتنا كقطع الليل المظلم طب يا رسول الله عليه الصلاة والسلام - 00:37:52

اللي مش هيبادر بالاعمال الصالحة هيحصل له ايه؟ شف هيحصل له ايه؟ يصبح المرء مؤمنا ويمسي كافرا. في كذا ساعة الم دينه
ويمسي ويصبح مؤمنا يا رسول الله ازاى؟ الدين بيتقلب في كذا ساعة كدهوت بيع دينه بعرض من الدنيا. زي اللي واقف بيبيع آآ -
00:38:04

خضار وفاكهة واللي واقف بيبيع كراريس وكشاكيل ده بيبيع دينه. بيبيع دينه ليه؟ لان هو ما بادرش بالاعمال الصالحة الفتنة جت
وهو مش مستعد ما من ايام العمل الصالح احب فيها الى الله من هذه الايام. قالوا ولا الجهاد في سبيل الله يا رسول الله؟ قال ولا
الجهاد في سبيل الله. يا رسول الله - 00:38:24

الجهاد ده زروة سنام الاسلام. اهو الايام دي هترفعك لزروة سنام الاسلام. يا رسول الله ده المجاهدين لهم ميت درجة في الجنة
بيتقبلوا في النعيم فيهم. اهي الايام دي تديك سواب اعلى. يا رسول الله ده حارثة. خد الفردوس الاعلى في ساعة جهاد. وجعفر خد
الفردوس الاعلى يطير بالجحفة مع الملائكة. في يوم - 00:38:44

الجهاد في مؤتة. يا رسول الله الايام دي لو عبت ربنا اخذ ثواب اعلى تاخذ ثواب اعلى بازن الله سبحانه وتعالى. الا رجل خرج بنفسه
وماله فلم يرجع من ذلك بشيء. يعني العاملين اللي ينفعوه في عشر ذي الحجة يا اخوانا ركزوا - 00:39:04

طيب حاجة من اتنين يا اما تاخذ كل فلوسك واموالك وتطلع تجاهد في فلسطين وما انتش راجع. يا اما انك تقعد تعبد ربنا وتصوم
وتصلي وتقوم وتتصدق وتصل رحمك وتبر والديك. وتصل اخوانك وتستغفر وتسبح. اختار هم دول العاملين اللي ينفعوا في عشر ذي
الحجة - 00:39:23

يعني دي لها ايام سياسة. ولا هي ايام الايام دي ايام عبادة. بالمعنى. اسمعوا الكلمة دي يا اخواني واخواتي في الله لان الكلمة دي مهم
ان احنا نفهمها. العبادة في عشر ذي الحجة بالمفهوم الخاص مش المفهوم العام. يعني ايه؟ بالمفهوم العام الجهاد عبادة والدعوة عبادة
والتنمية السياسية - 00:39:43

والجهاد السياسي عبادة والتنمية عبادة. انما بالمفهوم الخاص الصلاة والصوم والذكر. دي ايام صلاة وصوم وذكر كما قال رسول الله
صلى الله عليه وسلم حديث برضو من احاديس عشر ذي الحجة ما من - 00:40:03

عمل الله! يا رسول الله! وكل ما من احاديس عشر ذي الحجة! ما من يعني ما فيش حاجة هتلق الايام دي! يبقى ازاى نضيعها يا
اخوانا! ازاى حد يسمع الترغيب - 00:40:17

وما يتربش. ازاى! احنا مشدودين للدنيا للدرجة دي! احنا هممنا ضعيفة في العمل الصالح للدرجة دي! لدرجة ان احنا نسمع الترغيب
اللي لو صحابي سمعوا قلبه يتزلزل وقلوبنا سابتة مكانها - 00:40:27

لما ربنا سبحانه وتعالى يقول فاستبقوا الخيرات. قلت سبحانك يا رب! ده ربنا قال على يوسف وامرأة العزيز استبق الباب. يعني ايه

استبق الباب؟ يعني كل واحد منهم جايب اخره - [00:40:41](#)

يعني كل واحد منهم بيجري بعزب قوته. يعني ربنا لما يقول لنا استبقوا الخيرات يعني كل واحد منكم يجيب اخره. كل واحد منكم يجري بعزم قوته كل الوجهة هو مولياها. وفي قراءة هو مولاها. ولكل وجهة هو مولية. يعني ايه الوجهة اللي اولى حاجة في حياتك؟ وجهتنا ربنا اوي - [00:40:51](#)

كل حاجة في حياتنا فاستبقوا الخيرات. خلاص موتوا نفسكم بقى. خلاص بقى هاتوا اخركم. خلاص انطلقوا بقى زي ما ربنا قال وسارعوا الى من ربكم وجنة يعني ايه سارعوا؟ امتى اقول لك ياللا بسرعة ياللا بسرعة ياللا بسرعة. ياللا بسرعة لما يكون فيه خطر ياللا بسرعة لما يكون الباب هيتقفّل. ياللا بسرعة لما تكون الفرصة هتروح - [00:41:11](#)

سارعوا يلا بسرعة يا اخوانا الاعمار قصيرة يا اخوانا ما من عمل ازكى عند الله ولا اعظم اجرا من خير يعمل في عشر الاضحي ما من عمل ازكى عند الله يعني ازكى عند الله. يعني لما صحيفتك ترفع الى الله او تدخل تعرض بصحيفتك على الله. اكثر عمل ربنا يحبك بسببه. اكثر عمل ربنا يرضى عليك بسببه اكثر - [00:41:31](#)

عمل ربنا يقربك بسببه. العمل الصالح اللي انت عملته في الايام دي. ياه! ولا اعظم اجرا. يعني الميزان المهول اللي احنا اتكلمنا عنه النهاردة انه يسع السماوات والارض ما فيش حاجة تملأه زي العمل الصالح في هذه الايام. مين اللي يفرط في هذه الايام؟ مين اللي يفرط فيها بعد ما النبي عليه الصلاة والسلام قال عن - [00:41:55](#)

حديث صحيح برضو ولا حديث محققة كلها بفضل الله. حديث صحيح برضو ما من ايام. الله! هو ما من ايام العمل الصالح احب فيها؟ ما من عمل ازكى عند الله. ما من ايام برضو بنفس الاسلوب البلاغ القاطع الحاسم ما من ايام احب الى الله ولا اعظم -

[00:42:15](#)

عند الله العمل فيها من هذه الايام. فاكثروا فيها من التسبيح والتحميد والتكبير والتلهيل النبي عليه الصلاة والسلام بيقول لك بقى كل الشوق اللي في قلبك للعبادة طلعه في الايام دي. اكثروا فيها زي كي نسبحك كثيرا. ونذكرك كثيرا. طلّعوا كل شئ قلبكم - [00:42:35](#)

العبادة في هذه الايام ده ما فيش ايام احب الى الله منها. يا اخوانا هو ليه النصوص في عشر زي الحجة بالمنز ده؟ هي ليه عشر زي الحجة ايام عظيمة قوي بالمنظر - [00:42:55](#)

يا جماعة الايام ديت الايام اللي بيبدأ فيها الحجاج رمي الجمرات ده معنى من اخطر المعاني من اخطر معاني الحج معاني رمي الجمرات. ده رمي الجمرات دي بتاخذ لها لوحدها اربع تيام في الحج. يعني الموضوع مش بسيط. ده الحج كله مسلا حوالي ست ايام - [00:43:05](#)

رمي الجمرات اربعة ايام في يعني رمي الجمرات دي من اعظم مناسك الحج. ايه رمي الجمرات دي؟ رمي الجمرات دي احنا بنرجم الشياطين وبنرجم هوانا كل عائق بينا وبين ربنا سبحانه وتعالى اكثر عبادة مات فيها مسلمين بعد الجهاد هي رمي الجمرات. عشان حجة حصاية تترمي يا رب انا بقول - [00:43:24](#)

ربنا سبحانه وتعالى ان اصغر امر من اوامرك انا مستعد. روعي كلها تزهق عشانه يا رب. يبقى يرجع بقى من رمي الجمرات ويحارب الشريعة الاسلامية يبقى مش فاهم حاجة. يرجع من رمي الجمرات ويكسر حدود ربنا يبقى ما هوش فاهم حاجة. ما هوش فاهم هو كان بيعمل ايه. طب يا رب ليه سبعين جمرة؟ سبعة اول يوم العيد - [00:43:44](#)

وبعد كده واحد وعشرين واحد وعشرين يعني ثلاثة وستين وسبعة وسبعين. لان ده عدد شعب الايمان تقريبا ما بين بضعة وستين وبضعة وسبعين شعبة كانك قل يا رب انا مش هسيب الشيطان ولا هوايا. يقفوا ما بيني وما بين اي عبادة من العبادات. انا يا رب اعبدك بالدين كله. انا يا رب هجاهد عشان اجيب الدين كله ان شاء الله باذن الله - [00:44:04](#)

ومش هسيب شعبة واحدة الشيطان يضحك علي فيها. طب يا اخوانا ليه رمينا الجمرات على كذا مرة؟ يعني ما السبعين مرة واحدة ونخلص. ليه؟ على مدى اربع تيام عشان يا جماعة عشان عشان كل واحد منا يفهم انه مش هيقتضي على شهواته مرة واحدة ومش هيقتضي على الشيطان مرة واحدة ومش هينجو من الفتن - [00:44:24](#)

مرة واحدة لازم مجاهدة بعد مجاهدة. بعد مجاهدة الايام دي ايام رمي الجمرات من الامة كلها. الايام دي ايام رجم الشيطان من الامة كلها. الايام دي ايام حرب الايام دي هي اللي سيدنا ابراهيم نزل الفداء على اسماعيل. كان هيزبح سيدنا اسماعيل ونزل في الايام -

00:44:44

ايه الايام دي اللي سيدنا ابراهيم اتم فيها بناء الكعبة عليه الصلاة والسلام. الايام دي اللي سيدنا ابراهيم عليه الصلاة والسلام اوري فيها مناسك الحج. الايام دي اللي سيدنا موسى كلم فيها ربنا. سبحانه وتعالى. ووعدنا موسى ثلاثين - 00:45:02
ليلة واتممناها بعشر. فتم ميقات ربي اربعين ليلة. اتممناها بعشر لم افتح تفسير واحد. اي تفسير هات تفاسير اثرية الطبري وابن كثير. حتى في سيرة قرآني للقرآن. هات تفسير الزمخشري. هات ابن عطية. هات هات كل التفاسير. هات الباب هات - 00:45:18
انا يعني مهما قعدنا نفتكر من تفاسير على تفاسير كل التفاسير تقريبا ذكرت ان اتممناها بعشر هي عشر من ذي الحجة. العشر من ذي الحجة. عشان كده العلماء قالوا تم ميقات ربه اربعين يوما. قالوا زي ما سيدنا موسى له ميقات اربعين يوم احنا لنا ميقات اربعين يوم - 00:45:38

يوم بتوع رمضان والعشرة من ذي الحجة يبقى يتم بهم الميقات. تتم الميقات بتاعك بقى لربنا زي ما سيدنا موسى اتم الميقات. يبقى دي الايام اللي نزل فيها التوراة يبقى دي الايام اللي سيدنا موسى كلم فيها ربنا. يبقى دي الايام اللي ربنا تجلى فيها للجبل فجعله دكا. ودي الايام اللي ربنا نزل فيها على سيدنا محمد عليه الصلاة والسلام - 00:45:58
اليوم اكملت لكم دينكم واتممت عليكم نعمتي. ورضيت لكم الاسلام ديننا. دي الايام اللي فيها يوم الحج الاكبر. دي الايام يا اخوانا اللي فيها اعظم يوم على الاطلاق عند الله وهو يوم النحر اللي هو اول ايام العيد اللي هو للاسف الملتزمين بياخدوني ويصلي العيد ويروح ينام لحد العشاء. واللي غير ملتزمين - 00:46:18

ومعاصي للاسف الشديد ده افضل ايام الدنيا كلها اول يوم العيد دهو. يعني اليوم ده تنام لنا ساعة ساعتين ونجري على صلة ارحامنا وبر اخوانا وادخال البهجة واللي يقدر يضحي اضحية في اول يوم العيد اللي هو اعظم يوم عند الله في الدنيا كلها. يضحي من الوقت يا اخوانا ينوي حتى لو الاضحية - 00:46:38

هي دي هترهقه ماديا سنا ولكن من اجل ان هو يفوز بعمل صالح عظيم زي العمل الصالح اللي هو آآ الآ الاضحية في اعظم يوم عند الله سبحانه وتعالى اللي هو ايه؟ اللي هو عاشر ايام ذي الحجة اللي هو يوم العيد. باذن الله سبحانه وتعالى - 00:46:58
قضية عشر ذي الحجة ما من ايام العمل الصالح احب الى الله فيها من هذه الايام. ما فيش. الصحابة بيقلولوا ولا الجهاد يا رسول ولا الجات الا ان يعقر جوادك ويهريك دمك. ده دي رواية تانية. انك انت كل حاجة ضحيت بها في سبيل الله. يا رسول الله ده المجاهد ده لا يجد الم - 00:47:15

ده اللي مات شهيد ده يا رسول الله لا تأكل الارض جسته. ده اللي مات شهدناه رسول الله يغفر دمه مع اول قطرة. يغفر ذنبه مع اول قطرة دم. واول - 00:47:35

اول بافق الدم تخرج من دمه. مع اول دفقة دم تخرج من دمه. يا رسول الله انا لو عبت ربنا في الايام دي اخذ سواب زي ده تاخذ سواب بازن الله سبحانه وتعالى قد - 00:47:45

كن اعظم كمان مش عايزين نفرط يا اخواننا مش عايزين نيجي يوم القيامة نقول يا ليتني قدمت لحياتي ربنا ذكر هذه الايام في القرآن كمان ويذكروا اسم الله في ايام معلومات. يعني ربنا لما اتكلم عن الحج قال ان حكمة الحج ذكر اسم الله في ايام المعلومات. اللي هي عشر ذي الحجة. بل ربنا اقسام - 00:47:55

بالعشر في اول سورة الفجر وليال عشر. واقسم بيوم منها كمان لوحده بقى في اول سورة البروج. وشاهد ومشهود. المشهود اللي هو يوم عرفة. اللي مشهود من وربنا بيشهد الملائكة على عباده الصالحين فيه. يعني ايام عظيمة القدر ايام فيها استجابة دعاء. ايام فيها مضاعفة حسنات. هنعمل ايه في هذه الايام بازن الله - 00:48:15

سبحانه وتعالى هنعمل ايه في هذه الايام؟ الايام ديت عايزين نجتهد فيها اشد الاجتهاد الى الله سبحانه وتعالى. يعني عاملين ورقة

بازن الله اللي هي ورقة صفحة جديدة مع الله في - 00:48:35

في اعظم ايام الله وفي افضل ايام الله. يعني ورقة طيبة جدا جدا جدا. بتدلك على طرق الخير في هذه الايام. وتدل الناس على طرق الخير في هذه الايام وتعرف الناس خطورة هذه الايام وخطورة قدر هذه الايام. مشاريع زي مشروع الصيام يا اخواننا. زي

مشروع الصيام الصيام ده يوم - 00:48:47

في سبيل الله صيام يباعد وجهك عن النار سبعين خريف. كانك قطعت سبعين سنة في الطريق الى ربك والى الجنة. ايه العبادة اللي هتخليك تقطع المسافة دي كلها في يوم عليك بالصوم فانه لا عدل له. ما فيش حاجة هتتقل ميزانك زي الصوم. الصيام ده يا اخواننا عبادة. الرسول عليه الصلاة والسلام بيقول من ختم له - 00:49:07

صيام يوم دخل الجنة من ختم له بصيام يوم يعني انا عايز اموت وانا صايم يا رب اعيش وانت صايم لان من عاش على شيء مات عليه. حافظ على الصيام في حياتك اتنين - 00:49:27

والتسع ايام الاوائل من عشر ذي الحجة. عشان تلقى الله سبحانه وتعالى وانت صايم بازن الله سبحانه وتعالى. الصيام يا اخوانا ربنا سبحانه وتعالى بيقول ان الحسنة بعشر امثالها الى سبعمائة ضعف. الا الصوم فانه لي وانا اجزي به. يعني الصيام كمان فوق السبعمية طب ما بالكم بقى بالصيام في عشر ذي الحجة - 00:49:37

ما بالكم ولا خلوف فم الصائم اطيب عند الله من ريح المسك. يعني طالع ريحة بوقك يوم القيامة اطيب من ريح المسك كمان. ساعة البعث وفي الميزان الموازين لا عدل له. تخيلوا كل الثواب العظيم ده. نضيعه ليه؟ من ضمن المشاريع الخطيرة. مشروع ختم التعارف. يعني ايه ختم التعارف؟ يعني العشر ايام دول - 00:49:57

اختتم القرآن في يوم ختمه تعارف. نتعرف على كلام ربنا بقلب صافي بقلب طاهر بقلب منور. نتعرف على كلام ربنا يا اخوانا. نختم فيهم خاتمة تخيل مضاعفة السواب فيها شكلها ايه؟ من ضمن اعظم طبعا المشاريع فيها مشروع انك انت حج في بلدك ازاى؟ جلسة - 00:50:17

تحج في بلدك مكة جت لك لحد عندك. للي ما عندوش امكانية مادية انه يروح لحد هناك. من ضمن المشاريع يا اخوانا العظيمة جدا مشروع الله والحمد لله ولا اله الا الله والله اكبر الكلمات الاربعة. اللي في الايام العادية باربع شجرات في الجنة. ما بالك في - 00:50:37

وسط هذا الموسم العظيم من مواسم المضاعفة العظيمة يبقى شكلها ايه وقدرها قد ايه الورقة اللي احنا عملناها ديت بازن الله سبحانه وتعالى يعني لحد دلوقتي بفضل ومنة الله عشرات يعني عشرات الالوف منها الالف ومئة الله سبحانه وتعالى. يعني يعني - 00:50:57

وزعت وطلبت منها. احنا آآ يعني منزلين الورقة ديت على النت على النت للي عايز ياخذ الورقة ديت او اللي عايز يطلب منها كميات كبيرة توصل له لحد عنده في اي مكان عنده بازن الله الارقام موجودة على صفحة الفيسبوك الخاصة بي - 00:51:14

اللي هي دبليو دبليو دوت فيس بوك دوت كوم سلاش. دكتور حازم شومان. دكتور حازم شومان بالانجليزي. طبعا يعني يعني الواحد رافض مبدأ ان يعني صفحاتنا تسمى باسمائنا والموقع بفضل ومنة الله سبحانه وتعالى اساسا اللي احنا اشتغلنا من خلاله الله اتعودنا ان احنا نرفع اسم ربنا مش اسم حد منا - 00:51:31

ولكن يعني هي اتعملت اصلا من قبل ما الواحد ينتبه لها. وان شاء الله قريبا يعني يبقى الاسم بازن الله آآ يعني اسم يدل على الخالق ولا يدل على المخلوق. بس هو قوانين الفيسبوك هي اللي صعبة في تغيير الاسماء. انا باقف بس الوقفة دي لان الحاجات دي مهمة. لان التجرد لله ده اخطر معنى في حياتنا - 00:51:51

وهو بيقول الغلام بسم الله رب الغلام. الغلام كل البلد اسلمت على ايده وما حدش يعرف اسمه. الغلام اسمه ايه؟ الغلام. الله! ما حدش عارف اسمه. المهم ان ربنا عرف. المهم ان ربنا رفع ذكره في القلوب. المهم ان ربنا اقبل عليه الخلق بقلوبهم. مش المهم ان حد اسمه يذكر اصلا. الواحد بينقد - 00:52:11

ذكر الاسماء في اي حاجة من اسماء المخلوقين ان شاء الله باذن الله صفحة الفيسبوك وموقع الطريق الى الله. انت على جوجل اول ما هتكتب بس الطريق مش هتكمل كلمة الطريق. هتلاقي اول حاجة زهرت لك الطريق الى الله - [00:52:31](#)

هتلاقوا الارقام اللي باذن الله سبحانه وتعالى يعني تقدروا تحصلوا منها على الوف من هذا الورق نوزعه في كل الجامعات في كل النوادي. مشروع نشر الهداية الخطير اللي المنصورة بتفخر به على كل بلاد مصر. اللي يزعل يزعل بقى بفضل ومنة الله. كنت امبارح في الدرس الاسبوعي وبقول للشباب بقول لهم احنا - [00:52:45](#)

نفخر في المنصورة على كل الدنيا ان نشر الهداية المشروع ده عندنا ان احنا بنوفر لاي جامعة واي نادي واي مكان واي حد عايز يشتغل في الدعوة مادة هات ومادة ورق ومادة مطويات تغطي مناسبات الدعوة المختلفة اللي عايز يتصل بنا نطبعها له ونوصلها له لحد عنده. عاملين برضه شباب ناشر - [00:53:05](#)

البداية عاملين اسطوانة حج بقلبك اسطوانة رائعة جميلة جدا. يعني تشوق للحج وفي نفس الوقت برضو وعظية جدا وتدعو للتوبة في موسم الحج يعني اللي عايز ينال هذه الحاجات يا اخوانا وعايز ينال كميات منها. يعني ياخذ الارقام من على صفحة الفيسبوك آآ بتاعتي. اللي هي دكتور حازم شومان بالانجليزي. وآآ - [00:53:25](#)

من على موقع الطريق الى الله هتلاقي الارقام موجودة باذن الله سبحانه وتعالى. هذه الايام ايام خطيرة وايام عظيمة. ما ينفعش انها تروح مننا يا اخواني. يا اخواني لازم هممنا في الطاعة تزيد عن كده يا اخواني. الرسول كان بيقول اللهم اني اسألك الهدى والسداد. السداد ده صفة السهم المنطلق تجاه الهدف - [00:53:45](#)

يعني يا رب انا عايز ابقى زي السهم في سرعته في قوته. في تحديد وجهته في وحدة وجهته. يا اخوانا علو الهمة شوية في العمل الصالح. قوموا قوموا كونوا قوامين لله. قوموا العزائم تقوم ثاني. القلوب الايمان ينبض فيها ثاني. خلاص؟ خلاص السورة ضيعت الايمان من قلوبنا - [00:54:05](#)

طبعا باذن الله سبحانه وتعالى اهم حاجة عندنا رضا ربنا ولو بقينا اقوى اقتصاد في الدنيا وما دخلناش الجنة كسبنا ايه. عايزين نرضي ربنا. ولو رضىنا ربنا ربنا هيفتح لنا في الدنيا. وهيدينا الحاكم الصالح - [00:54:25](#)

ادينا الاقتصاد القوي وهيدينا التمكين والعز في الارض يا اخوانا كل حاجة مع ربنا. كل حاجة في ايد ربنا. كل احلامنا في ايد الملك سبحانه وتعالى تعال عايزين عسى الله ان يأتيني بهم جميعا عايزين نبقى ناس ربانيين في آآ كل حاجة في حياتنا يعني باذن الله سبحانه وتعالى اترككم على هذا مع - [00:54:40](#)

الشوق الافضل ايام الله الاسبوع ده ان شاء الله عايزين نجتهد فيه اشد الاجتهاد. عشان نسخن بقى ندخل عشر ذي الحجة في قمة اللياقة الايمانية. هيبداؤا امتى عشر ذي الحجة؟ الجمعة الجاي واحد من - [00:55:00](#)

ذو الحجة فلكيا. طيب آآ بالنسبة يعني البداية من فجر الجمعة لأ البداية من مغرب الخميس. لان اول ليلة هتبدأ من اول مغرب الخميس يخلصوا وامتى مع مغرب اول يوم العيد؟ عشر تيام نموت نفسنا فيهم باذن الله ونجتهد فيهم وربنا يرزقنا الحج يا رب وربنا يفتح على قلوبنا وربنا سبحانه وتعالى - [00:55:12](#)

قلوبنا بالهدى والايمان. اللهم املأ قلوبنا بالهدى والايمان. اللهم افتح على قلوبنا قولوا امين يا اخواني. كلمة امين واحدة تغير كل حاجة في حياتنا اللهم اعمل قلوبنا بما عمرت به قلوب الصديقين. اللهم املأ قلوبنا بما ملأت به قلوب عبادك الصالحين. اللهم ايقظ قلوبنا احى قلوبنا - [00:55:32](#)

فامر قلوبنا. اللهم اقمنا على مرادك منا. اللهم قوي في رضاك عزائمننا. يا رب اللهم لا تجعل في قلوبنا الاك لا تجعل همنا الا رضاك. ولا تجعل رغبتنا الا اليك. ولا تجعل توكلنا الا عليك. اللهم املأ قلوبنا بالهدى والايمان يا رب - [00:55:52](#)

اللهم انتقم من بشار الاسد. اللهم اقسم ظهرك. اللهم انصر دينك واعز اوليائك. اللهم اذن لدينك ان يسود واذن لشرعك ان ينتصر انك ولي ذلك والقادر عليه. سبحانهك اللهم وبحمدك اشهد ان لا اله الا انت استغفرك واتوب اليك. وجزاكم الله خيرا - [00:56:12](#)

- [00:56:33](#)